



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: UP-1/21-1-40-634-4/22

Datum: 29.12.2022. god.

«Agencija za vodno područje rijeke Save» Sarajevo rješavajući po zahtjevu pravnog lica Mujanović d.o.o. dostavljenom od strane Ministarstva privrede Kantona Sarajevo na nadležno postupanje, za donošenje Rješenja o prethodnoj vodnoj saglasnosti za izgradnju fotonaponske elektrane „SOLE-MI“ u općini Vogošća, Sarajevo, na osnovu člana 139. stav (1) i člana 107. stav (3) Zakona o vodama («Službene novine Federacije BiH», broj 70/06) i člana 218. Zakona o upravnom postupku («Službene novine Federacije BiH», broj 2/98, 48/99 i 61/22) d o n o s i

ZAKLJUČAK

1. Odbacuje se zahtjev dostavljen od strane Ministarstva privrede Kantona Sarajevo na nadležno postupanje za donošenje Rješenja o prethodnoj vodnoj saglasnosti pravnom licu „Mujanović“ d.o.o. za izgradnju fotonaponske elektrane „SOLE-MI“ na zemljištu označenom kao k.č. broj 505 i k.č. broj 506 K.O. Tihovići, općini Vogošća, Sarajevo, zbog nepostojanja uslova za vođenje upravnog postupka s obzirom da za predmetnu aktivnost, shodno odredbama člana 139. stav (1) Zakona o vodama, nije propisana obaveza pribavljanja vodnih akata od strane ove Agencije.
2. Ovaj Zaključak ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, odlukama, uredbama i dr.
3. Ovaj zaključak može se izmijeniti ukoliko za to nastupe razlozi utvrđeni u članu 130. stav (1) tačka 2. i 4. Zakona o vodama, a zainteresirane stranke podnesu argumentovan zahtjev za izmjenu ovog vodnog akta.

Obrazloženje

Ministarstvo privrede Kantona Sarajevo je dostavilo zahtjev pravnog lica „Mujanović“ d.o.o. Vogošća ovoj Agenciji na nadležno postupanje za donošenje rješenja o prethodnoj vodnoj saglasnosti za izgradnju fotonaponske elektrane „SOLE-MI“ na zemljištu označenom kao k.č. broj 505 i k.č. broj 506 K.O. Tihovići, općini Vogošća, Sarajevo.

Uz zahtjev je dostavljena slijedeća dokumentacija:

- Ovjerena kopija Rješenja o izmjenama podataka u sudski registar Općinskog suda u Sarajevu, broj: 065-0-Reg-22-003590 dana 09.11.2022. godine;
- Ovjerena kopija Uvjeranja o poreznoj registraciji poreznog obveznika od 15.10.2002. godine;
- Kopija Stručnog mišljenja datog od strane Zavoda za planiranje razvoja Kantona Sarajevo, a u postupku donošenja Rješenja o urbanističkoj saglasnosti od strane Službe za urbanizam i prostorno planiranje općine Vogošća, broj: 04-19-4426/22 dana 26.10.2022. godine;
- Ovjerena kopija Zemljišnoknjižnog izvadka, K.O. Tihovići, ZK uložak broj: 56;
- Kopija katastarskog plana, K.O. Tihovići, broj plana:2, UR BROJ: 08-26-1036/2021-2 od 18.02.2021. godine;
- Studija za izdavanje prethodne vodne saglasnosti za fotonaponsku elektranu, općina Vogošća, Sarajevo, urađena od strane „ES HYDROTECHNICS“ d.o.o. Sarajevo, decembar 2022. godine;
- Idejni projekat fotonaponska elektrana „SOLE-MI“, urađen od strane SWH Energy d.o.o. Sarajevo, septembar 2022. godine;
- Dokaz o uplaćenju upravnoj pristojbi.

Nakon pregleda dostavljene dokumentacije konstatovano je slijedeće:

Na zemljištu označenom kao k.č. broj 505 i 506 K.O. Tihovići, općina Vogošća, Sarajevo podnosilac zahtjeva planira izgradnju fotonaponske elektrane. Pristup predmetnoj lokaciji je obezbjeđen preko postojeće lokalne saobraćajnice i lokalnog pristupnog puta. Zbog položaja same lokacije elektrane, a u pogledu pristupnih puteva za potrebe montaže i pristupa osoblja za održavanje, te kako bi se smanjio efekat zasjenjenja modula, odabrana je izvedba montaže FN modula na fiksnu podkonstrukciju u segmentima od po 36 modula i montažom invertora neposredno na noseću konstrukciju, a ispod FN modula radi zaštite od sunca i padavina.

Na osnovu pregleda dostavljene dokumentacije utvrđeno je da na predmetnom lokalitetu neće biti produkcije tehnoloških otpadnih voda, kao ni oborinskih onečišćenih voda.

U smislu odredbi člana 109. Zakona o vodama, a u skladu sa članom 218. Zakona o upravnom postupku, ovaj organ našao je da po podnesenom zahtjevu ne postoje uslovi za donošenje rješenja o prethodnoj vodnoj saglasnosti.


Iz razloga naprijed navedenih, a u skladu s članom 110. stav (3) Zakona o vodama i članom 218. stav (2) Zakona o upravnom postupku riješeno je kao u dispozitivu Zaključka.

Pouka o pravnom lijeku:

Protiv ovog Zaključka može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema Zaključka.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka: Aida Bezdob, dipl.ing.građ.

Po ovlaštenju
Rukovodilac Sektora za izdavanje vodnih akata

Haris Ališehović, dipl. ing.građ.

PRILOG: Idejni projekat fotonaponska elektrana „SOLE-MI“, urađen od strane SWH Energy d.o.o. Sarajevo, septembar 2022. godine;

Dostaviti:

- „MUJANOVIĆI“ d.o.o. Vogošća, Novi rezervoar broj 24, Kobilja glava, 71320 Vogošća
- AVP Sava, ISV – Vodna knjiga
- Sektor 40, arhiva
- Oglasna ploča AVP Sava